

道光七年七月廿六日

奏



奏為恭報考試情形仰祈

聖鑒事竊臣於道光六年七月中業將歲考肇羅南

韶連廣六屬情形

奏明在案嗣於上年八月出棚歷考惠潮嘉等處

本年正月按試高廉雷瓊該四府距省較遠向

例歲科併考臣以次巡試於六月中試畢旋省

即科試廣州已於七月中竣事臣周歷各郡留

心考校綜計通省文風以廣州為上嘉應次之

肇高又次之其餘皆屬中平武場弓馬尚俱合

式士習亦以廣州為最醇其高瓊等郡雖僻處

海濱士子均極馴謹惟惠潮南韶等屬民氣每

尚囂凌士風易滋浮動臣以轉移之道在乎懲
勸兼施每於校試時除將文藝分別等第外凡
文武各生有品行端方者必格外獎勵其有不
安本分包攬詞訟者訪聞得實即降黜有差俾
知修詞固貴乎誠而立志尤期於正似於彰瘡
之術不無稍裨至於地稱沃壤人溘利心積習

務要言行相符

頗深驟難化導臣夙夜兢兢惟在廉以持躬勤
以集事並推誠開示剖明義利之源近來感悟

漸多諸弊似稍屏絕現在廣州科試多士益知
嚮學場規尚屬肅清此後科試尚有四府四州
決擇均宜慎重臣惟有秉公校閱隨事盡心以

期仰副

聖天子整飭學校培植人材之至意所有歲考各府
州屬及接辦科考緣由理合繕

摺具

奏伏祈

皇上聖鑒謹

奏

知道了

道光七年七月

二十六

日

